

禮

記

釐

編

禮記釐編卷之二

後學楚安鄉潘相學

學記第五

朱子曰此言古者學校教人傳道授受之序與其得失興廢之由兼大小學言之

發慮憲求善良足以謏聞不足以動衆就賢體遠足以

動衆未足以化民君子如欲化民成俗其必由學乎

音謏

小聞音問。發慮而守常法。求用善良之士。止可小致聲聞而不足以感動衆人。賢士之勝於善良者。就而見之。疎遠之士。以身體之。雖足以動衆。然未有開導誘掖之法。故未足以化民。惟教學乃可以化民。使成美俗。

玉不琢不成器。人不學不知道。是故古之王者。建國君

民。教學爲先。兌命曰。念終始典于學。其此之謂乎。兌依注作

說。此一章言教學之重爲一篇之綱領。

雖有嘉肴。弗食。不知其旨也。雖有至道。弗學。不知其善

也。是故學然後知不足。教然後知困。知不足然後能自

反也。知困然後能自強也。故曰。教學相長也。兌命曰。學

宜作學半。其此之謂乎。強其良反。此一章言教亦所以爲學。

古之教者。家有塾。黨有庠。術有序。國有學。比年入學。中

年考校。一年視離經辨志。三年視敬業樂羣。五年視博

習親師。七年視論學取友。謂之小成。九年知類通達。強

立而不反。謂之大成。

中平聲。樂音洛。術當爲州。二十家爲閭。閭門之側有塾。五百家爲黨。塾之士升於黨庠。萬二千五百家爲州。庠之士升於州序。州序之士又升於國學。比年每歲也。中年間一

年也。下數句皆以上兩字言學。下兩字言其所得。如爲學而能離析經之章句。則其所得必別其心之所趨向。專心致志以事其業。則必樂於取益以輔其仁。所習者次第該徧。則必知親師。所論者得其精微。則必知取友。至于九年之久。聞一知十。而觸類貫通。則必強立不反。知止有定。而物不能移。學者以身體之。自見進學之驗。夫然後足以化民易俗。近者說服而遠者懷之。此大學

之道也。記曰。蛾子時術之。其此之謂乎。

蛾魚起反。蚘蟬之子。時術蚘蟬

蟬所爲。銜土成大理。此一章記學校考校之法。小成大成之次序。以申化民成俗之意。

大學始教。皮弁祭菜。示敬道也。

有司皮弁祭先師以蘋藻之菜。示學者敬恭之

道也。宵雅肄三。官其始也。宵小也。當祭來時。取小雅鹿鳴。四牡皇皇者。華三篇為學者歌。

之。官者。主。治之謂。習以小雅。而欲其正。所以治其始也。入學鼓篴。孫其業也。鼓篴者。擊

鼓。警衆。以發儀。出所治。之。經。使孫志於其業也。夏楚二物。收其威也。夏。古雅反。楚。荆也。二物所以扑撻犯禮者。

收。謂收歛整齊之威儀也。未卜禘不視學。游其志

也。未當五年再舉禘祭之時。不視學。考校所以游暇學者之志意。時觀而弗語。存其心

也。觀示也。時示以所學之端緒。而弗告語。使其心存而自得也。幼者聽而弗問。學不

躡等也。學如字。幼者有疑。但推長者問而聽之。不可躡等問其師。此七者。教之大

倫也。大倫猶大節也。記曰。凡學。官先事。士先志。其此之謂乎。官

官者也。士。學士也。此一章。言大學之教法。在於正其始。

言大學之教法。在於正其始。

大學之教也。時教必有正業。退息必有居學。

時教如春。夏禮樂秋。

冬詩書之類。正業謂先王正典。非諸子百家也。居學謂

依其所學。如易之言居業。蓋常時所習。如下文操縵博

學者能安其學而信其道。所以不學操縵不能安弦。操弄

琴瑟之弦也。退息時亦必操弄之。不學博依不能安詩

不廢乃能手與弦相得而安于弦。不學博依不能安詩

詩人比興之詞多廣博。依托於物理。學者不於退息之

際廣求物理之所依附。則無以驗其實。而於詩多疑而

不能。不學雜服不能安禮。古人之服各有等降。不理會

識其制而不與其藝不能樂學。與許金反。樂五孝反。○

安於禮文。不與其藝不能樂學。退息時不於詩禮樂三

者之藝有興起之意。故君子之於學也。藏焉。脩焉。息焉。

則學時必不能好。故君子之於學也。藏焉。脩焉。息焉。

遊焉。藏與息。即退息之居學。夫然故安其學而親其師

脩與遊。即時教之正業。

夫然故安其學而親其師。

樂其友而信其道是以雖離師輔而不反也。兌命曰敬

孫務時敏厥脩乃來其此之謂乎。

承上文而言

今之教者呻

其佔畢多其訊言及于數進而不顧其安。

訊音信。○數從吳氏音朔。

以及於數進為句。教者不曉經義但呻吟其所佔視之

簡畢多為訊問之言及於學者未可以進而數數進之

而不顧其所安使人不由其誠教人不盡其材。能知此一理而後使之別窮一

型是謂由其誠能行此一事而後教之

別為一事是謂盡其材否則不能矣。其施之也悖其

求之也佛。

佛同拂。○承上文言之。

夫然故隱其學而疾其師苦其

難而不知其益也。

隱其學謂以其學為幽隱而難知。如曰二三子以我為隱乎之意。雖

終其業其去之必速。

學不心解則忘之易。教之不刑成也。

猶其此之

由乎。

此一章言大學之教使人終其業成其教。

大學之法禁於未發之謂豫當其可之謂時不陵節而

施之謂孫

當孫並去聲。○不陵節謂不教長者才者以小幼者鈍者以大也。

相觀而善

之謂摩

觀人之能而於已有益如以兩物相摩而各得其助。

此四者教之所由興

也發然後禁則扞格而不勝

扞胡半反格胡客反勝音升。○扞堅不可入之貌格

讀如東谷之谷謂如地之來堅強難入也不勝不能承當其教也。

時過然後學則勤苦

而難成雜施而不孫則壞亂而不修獨學而無友則孤

陋而寡聞燕朋逆其師燕辟廢其學

辟同僻。○私褻之友反逆其師而有

損私褻之談無益於學而有害。

此六者教之所由廢也君子既知教之

所由興。又知教之所由廢。然後可以爲人師也。故君子之教喻也。道而弗牽。強而弗抑。開而弗達。道而弗牽。則和。強而弗抑。則易。開而弗達。則思。和易以思。可謂善喻矣。強其兩反。○引導之而不牽制之。勸強之而不沮抑之。開其端而不竟其所通之地。不牽則和不抑則易達。則令其自思。和易以思。是乃教者之善喻也。
○此一章言君子必知興廢之由。而教喻有方。

學者有四失。教者必知之。人之學也。或失則多。或失則寡。或失則易。或失則止。此四者。心之莫同也。多者知之之不及。易者賢之過。止者不肖之不及。知其心。然後能救其失也。教也者。長善而救其失者也。多者約之以禮。寡者博之以文。易者抑之以自反。止者勉之以自強。

○此一章言教
當因人而施。

善歌者使人繼其聲。善教者使人繼其志。

繼聲繼志者皆謂微發其

端而不究其說。使人有其言也。約而達。微而臧。罕譬而喻。

可謂繼志矣。

詞少而意達。理微而說善。譬少而聽者易曉。皆不務多言而使人自得之意。○

此一章言教者當使人有自得之妙。

君子知至學之難易而知其美惡。然後能博喻。

鈍者至於學難

敏者。至於學易。質美者向道。不美者叛道。博喻謂循循善誘。不拘一塗也。然後能為

師。能為師。然後能為長。能為長。然後能為君。故師也者。

所以學為君也。

能教人。充之即能為君以治人。是故擇師不可不慎也。

記曰。三王四代惟其師。其此之謂乎。凡學之道。嚴師爲

難。嚴尊敬也。師嚴然後道尊。道尊然後民知敬學。是故君之

所不臣於其臣者二。當其爲尸則弗臣也。當其爲師則

弗臣也。大學之禮。雖詔於天子無北面。所以尊師也。皇氏

曰。武王踐阼。受丹書之言。王東面立。師尙父西面。道書

之言。此王廷之位。若尋常師徒之教。則師東面。弟子西

面。○此一章言師道所繫之重。以申上章建國君民教學爲先之意。

善學者。師逸而功倍。又從而庸之。不善學者。師勤而功

半。又從而怨之。善問者。如攻堅木。先其易者。後其節目

及其久也。相說以解。說舊讀爲悅。今從朱子讀如字。解音蟹。○節。木理之剛者。易曰。堅多

節曰。木理之精者。記曰。斲目必荼。皆至堅難攻之處也。言先其易者。難處且放下。少間既多見義理。相與講說之。久其難處自然觸發解散也。不善問者反此。善待問者如撞鐘。扣之

以小者則小鳴。扣之以大者則大鳴。待其從容。然後盡

其聲。不善答問者反此。此皆進學之道也。從讀為眷。○朱子曰。從容

謂聲之餘韻。從容而將盡者也。言必答盡所問之意。然後止也。注疏說非是。記問之學。記謂古書

以待學。者之問。不足以為人師。必也其聽語乎。力不能問。然後

語之。語之而不知。雖舍之可也。聽語。聽學者所問之語。○此一章言教學貴有

心得之機。以申前教學相長之意。

良冶之子。必學為裘。良冶之子弟。習見其父兄陶鎔金鐵。以補治破器。必學為裘袍補續。

獸皮片片相合

良弓之子必學爲箕

箕柳箕也善爲弓之子弟見其父兄

以至完全也

使角餘撓屈調和成弓亦學

始駕馬者反之車在馬前

取柳條和軟撓之成箕也

以大馬牽車於前而繫駒於後使

君子察於此三者可

日日習慣而後駕之不復驚也

三者皆積習所成也○此一章言學必有漸乃底於成

古之學者比物醜類鼓無當於五聲五聲弗得不和水

無當於五色五色弗得不章學無當於五官五官弗得

不治帥無當於五服五服弗得不親

當丁浪反○物事也此物以同類之

事相比比方也醜類類其類也五官者視聽貌言思也

○此一章極言教學之重以申大學始教五章之意

君子曰大德不官大道不器大信不約大時不齊察於

此四者可以有志於本矣。齊如字。○不約。不期約也。大時不齊。如孔子仕止久速各當其可。不必齊也。此四者皆以本原盛大。三王之祭川而體無不具。故變通不拘。而用無不周。也。皆先河而後海。或源也。或委也。此之謂務本。河爲海之源。故先之。海乃河之委。故後之。承上文志於本而言。水之爲物。盈科而後進。放乎四海。有本者如是也。君子之於學。不成章不達。故先務本。○此又言學貴務本。以終一篇之意。

文王世子第六

疏云。鄭目錄云。記文王爲世子時之法。於別錄。屬世子法。

文王之爲世子。朝於王季曰三。雞初鳴而衣服。至於寢門外。問內豎之御者曰。今日安否何如。內豎曰安。文王

乃喜。及日中又至。亦如之。及莫又至。亦如之。其有不安

節。則內豎以告文王。文王色憂。行不能正履。王季復膳

然後亦復初。食上必在視寒煖之節。食下問所膳。命膳

宰曰。未有原。應曰諾。然後退。

衣去聲。豎音樹。莫同暮。御直日也。世子恒日二朝。

文王曰。三者聖人之行也。節。謂居處故事。食上謂獻饌在。祭下徹也。末猶勿。原再也。武王帥而行

之。不敢有加焉。文王有疾。武王不說冠帶而養。文王一

飯。亦一飯。文王再飯。亦再飯。旬有二日。乃間。文王謂武

王曰。女何夢矣。武王對曰。夢帝與我九齡。文王曰。女以

爲何也。武王曰。西方有九國焉。君王其終撫諸。文王曰。

非也。古者謂年齡齒亦齡也。我百爾九十。吾與爾三焉。

文王九十七乃終。武王九十三而終。帥率通說讀脫有二之有讀又○

瘳日間修短有數。父豈能與之子。子豈能受之父。好事者爲之也。成王幼不能泣。昨周

公相踐昨而治。抗世子法於伯禽。欲令成王之知父子

君臣長幼之道也。成王有過則撻伯禽。所以示成王世

子之道也。文王之爲世子也。成王不能泣。周公輔相

治天下。抗舉也。舉世子之法以教伯禽也。武王成王王之爲世子。皆法文王。故以文王之爲世子結之。○仲

尼曰。昔者周公攝政。踐昨而治。抗世子法於伯禽。所以

善成王也。聞之曰。爲人臣者。殺其身有益於君。則爲之

況于其身以善其君乎。周公優爲之。于依注。作迂。○舉世子之法於伯禽。是迂曲。是故知爲人子。然後可以爲人父。知爲人臣。然後可以爲人君。知事人。然後能使人。成王幼。不能蒞阼。以爲世子。則無爲也。是故抗世子法於伯禽。使之與成王居。欲令成王之知父子君臣長幼之義也。君之於世子也。親則父也。尊則君也。有父之親。有君之尊。然後兼天下而有之。是故養世子不可不慎也。以爲世子無爲者。言成王無父。雖未知君道。然無爲世子之處。○此以上記文王之爲世子。爲武王成王爲世子時所則。倣以明世子之法。

周公踐阼。

石梁王氏曰。此當爲衍文。

凡三王教世子。必以禮樂。樂所以脩內也。禮所以脩外

也。禮樂交錯於中。發形於外。是故其成也。懌恭敬而溫

文。懌悅也。立大傅少傅以養之。欲其知父子君臣之道也。

大傅審父子君臣之道以示之。少傅奉世子以觀大傅

之德行而審喻之。大傅在前。少傅在後。入則有保。出則

有師。是以教喻而德成也。師也者。教之以事而喻諸德

者也。保也者。慎其身以輔翼之而歸諸道者也。記曰。虞

夏商周有師保。有疑丞。設四輔及三公。不必備。唯其人

語使能也。審喻詳審曉喻之也。教喻之喻。明著也。前疑後丞。左輔右弼。爲四輔疑者。有疑卽問之意。

君子曰德德成而教尊教尊而官正官正而國治君之

謂也

德世子之德也君世子爲君也此一節又統記三王教世子之法

天子設四學當入學而大子齒

四學四代之學齒與人序齒不以貴加人也

祭○行一物而三善皆得者唯世子而已其齒於學之

謂也故世子齒於學國人觀之曰將君我而與我齒讓

何也曰有父在則禮然然而衆知父子之道矣其二曰

將君我而與我齒讓何也曰有君在則禮然然而衆著

於君臣之義也其三曰將君我而與我齒讓何也曰長

長也然而衆知長幼之節矣故父在斯爲子君在斯謂

之臣居子與臣之節所以尊君親親也。故學之爲父子
焉。學之爲君臣焉。學之爲長幼焉。父子君臣長幼之道
得而國治。語曰。樂正司業。父師司成。一有元良。萬國以
貞。世子之謂也。學之之學俱音效。物事學之教之也。司業主世子詩書之業。父師司成卽前

師傳所以成世子之德者。元良卽道得之謂以貞卽國治之謂。此以上論教世子行入學序齒之禮。

凡學世子及學士必時。春夏學干戈。秋冬學羽籥。皆於

東序。

四學字皆因效。學教也。干戈武舞教於陽動之時。示有事也。羽籥文舞教於陰凝之時。示安靜也。

東序大

學也。小樂正學干。大胥贊之。籥師學戈。籥師丞贊之。

胥鼓南。

二學字首效。四人皆樂官之屬。胥卽大胥也。南陳祥道謂爲象衡南籥非鄭康成所謂南夷

之樂也。以鼓節之日鼓南。春誦夏弦。大師詔之。瞽宗秋學禮。執禮者

詔之。冬讀書。典書者詔之。禮在瞽宗。書在上庠。學如宗

殷學名。上庠。虞學名。周立五學。故漢書大戴禮有東學

上親。南學上齒。西學上賢。北學上貴。太學問道之說。大

學即辟雍。居中其北為有虞氏之學。其東為夏后氏之

學。其西為商人之學。南一區為東膠。與虞庠對。為黃帝

成均之學。說見陸佃。天子至辟雍。則各學之人環水而

觀焉。又鄉有庠。州有序。黨有校。一云黨有庠。鄉有校。皆

為小學。家塾之秀移於庠。庠升於序。序升於校。校升於大學。凡祭與養老乞言合語

之禮皆小樂。正詔之於東序。與凡祭及養老鄉射鄉飲

大射燕射之禮。至旅酬之時皆得言說先王之法。會大

合義理而相告語。其間各有威儀容節皆須教之。

樂正學舞于戚。諸說命乞言皆大樂正授數。大司成論

說在東序。

學音效。說如字。數者高下疾徐之節。論說者解說其義理也。

凡侍坐於大

司成者。遠近間三席。可以問。終則負牆。列事未盡。不問

席之制。廣三尺三寸三分。所謂函丈也。問猶容也。遠近如此。取其便於問也。問終則却就後席。背負牆壁而坐。以避後問之人。如已有未達。必待諸事俱畢。然後更問。列猶諸也。凡學。春官釋奠于其

先師。秋冬亦如之。

注云。官謂禮樂詩書之官也。周禮曰。凡有道者有德者。使教焉。死則以爲

樂祖。祭於瞽宗。此謂先師之類。若漢禮有高堂生。樂有制氏。詩有毛公。書有伏生。億可以爲之也。釋奠者。奠置所祭之物。無尸無凡始立學者。必釋奠于先聖先師。及

食飲酬酢等事。

行事。必以幣。

注云。此謂天子命之教。始立學官者也。先聖。周公若孔子。先師。見前。始立學。釋奠。則

必奠幣爲禮。四時常奠。不用幣也。疏云。立學爲重。故及先聖。常奠爲輕。故唯先師。陳氏曰。春官釋奠。常時之釋

奠也。始立學。天子視學。出征。反。凡釋奠者必有合也。謂以訛。駭告。乃非常時之釋奠也。合樂。陳氏曰。釋奠之禮。有牲幣。有合樂。有獻酬。大祝造於廟。宜於社。過大山。川則用事。反則釋奠。此告祭也。記曰。凡告必用牲幣。又曰。凡釋奠者必有合也。此釋奠有牲幣合樂之証也。聘禮。觴酒。陳席於階。薦脯醢之獻。一人舉爵從者行酬。乃出。有國故則否。有凶喪則釋。此釋奠有獻酬之証也。有國故則否。莫不合樂。凡大合樂必遂養老。常事合樂不行養老之禮。惟春入學。釋視學。必於明日養老。凡語于郊者必取賢斂才焉。或以德進。或以事舉。或以言揚。曲藝皆誓之。以待又語。三而一有焉。乃進其等。以其序。謂之郊人。遠之於成均。以及取爵於上尊也。郊。四郊之學。所謂東膠。東序。瞽宗。虞庠也。語於郊。謂論辨學士才能于郊學也。德進事舉言揚。卽升。

諸司馬之進士。曲藝小技能也。誓戒也。戒之使習其所
能。以待後次再誦之時。或德或事或言。三者有一之相
近。卽於其同等之中。拔而進之。以所能高下爲序。皆謂
之曰郊人遠字。疑達字之誤。四郊之學士。皆達之於成
均。於天子視學飲酒之時。得取爵於始立學者。旣興器
堂上之尊。以相酬。是立賢之無方也。始立學者旣興器
用幣。然後釋菜。不舞不授器。乃退。僎于東序。一獻無介
語可也。教世子。與讀贊。禮樂器成則儻之。用幣告先
聖先師。又釋菜以告此器之將用。但釋
菜禮輕。不如釋奠。用樂舞授舞者所執之器。惟釋菜於
虞庠。乃退而僎禮。其實於東序。諸侯有功德者。亦得立
三代之學校。若魯有米廩東序。瞽宗也。僎禮甚殺。惟行
一獻而無介語。卽合語。語可也者。明釋菜時未可合語
禮尙嚴也。此皆以教世子爲主。故以此總
結上文。此以上記太學教世子之法。

世子之記曰。朝夕至于大寢之門外。問於內豎曰。今日

安否何如。內豎曰：今日安。世子乃有喜色。其有不安節。

則內豎以告世子。世子色憂不滿容。內豎言復初。然後

亦復初。

此古者教世子之禮。不滿容。不能充其儀觀之美也。

朝夕之食上。世子必

在視寒煖之節。食下問所膳羞。必知所進。以命膳宰。然

後退若內豎言疾。則世子親齊立而養。

齊時着玄冠緇布衣。裳則貴賤

與制謂之玄端服。

膳宰之饌。必敬視之。疾之藥。必親嘗之。嘗饌

善。則世子亦能食。嘗饌寡。世子亦不能飽。以至于復初。

然後亦復初。

善猶多也。此又記尋常世子之禮。以勉其幾於文武聖人之行。

大學第七

子程子曰大學孔氏之遺書而初學入德之門也於今可見古人爲學次第者獨賴此篇之存而論孟次之學者必由是而學焉則庶乎其不差矣

中庸第八

子程子曰不偏之謂中不易之謂庸中者天下之正道庸者天下之定理此篇乃孔門傳授心法子思恐其久而差也故筆之於書以授孟子其書始言一理中散爲萬事末復合爲一理放之則彌六合卷之則退藏於密其味無窮皆實學也善讀者玩索而有得焉則終身用之有不能盡者矣

經解第九

孔子曰入其國其教可知也其爲人也溫柔敦厚詩教也疏通知遠書教也廣博易良樂教也絜靜精微易教

也恭儉莊敬禮教也屬辭比事春秋教也故詩之失愚
書之失誣樂之失奢易之失賊禮之失煩春秋之失亂
其爲人也溫柔敦厚而不愚則深於詩者也疏通知遠
而不誣則深於書者也廣博易良而不奢則深於樂者
也絜靜精微而不賊則深於易者也恭儉莊敬而不煩
則深於禮者也屬辭比事而不亂則深於春秋者也良
之易以鼓反絜同潔屬音燭比毗志反○觀其風俗知
其所以教者言人君以六經之道教民民各從六經之
性故各不同也疏通者事不繁密也讀書則上知帝皇
之世是知遠也樂能和同天人之際使人動盪血脉流
通精神故廣博易良易正吉而邪凶不爲淫濫故絜靜
窮理盡性故精微屬猶合也合集諸侯朝聘會同之辭

比次其事。而是非自見。朱子所謂據實直書也。習於淳厚而不察情僞。博於傳聞而不辨信否。好樂不辨乎雅鄭。講易過泥於術數。行禮而過於迂拘。讀史而是非謬於聖人。則有愚誣奢賊。煩亂之失。後世經學。若文王之受命。周公之居攝。京房郭璞之占。春秋解。謂孔子許祭仲之廢君。大衛輒之拒父。其明著者也。○按記名經解。其言甚畧。而其旨無窮。自漢儒爲諸經之解。唐儒又解漢儒之解。其正音讀。通訓詁。考制度。辨名物。厥功博矣。而發明精蘊。使從古聖賢道學正傳。如日中天。後之學者。得以不迷於所往。力行以求其至。則必歸之於宋五子矣。今謹附記其畧於後。

宋周子通書曰。聖人之精。畫卦以示。聖人之蘊。因卦以發。卦不盡聖人之精。不可得而見。微卦。聖人之蘊。不可得而聞。易何止五經之源。其天地鬼神之奧乎。○春秋正王道。明大法也。孔子爲後世王者而修也。亂臣賊子誅死者於前。所以懼生者於後也。○程子曰。易變易也。隨時變易。以從道也。又曰。知時識勢。學易之大方也。○

諸卦二五雖不當位。多以中爲美。三四雖當位。或以不中爲過。中常重於正也。中則不離於正。正不必中也。天下之理。莫善於中。於九二六五可見。○凡六爻。人人有用。聖人自有聖人用。賢人自有賢人用。衆人自有衆人用。學者自有學者用。君有君用。臣有臣用。無所不通。○九四近君。便作儲貳。亦不害。但不要拘一。若執一事。則三百八十四爻。只作得三百八十四件事。便休了。○五經之有春秋。猶法律之有斷例也。○春秋傳爲按經爲斷。以傳考經之事迹。以經別傳之真僞。○後世以史觀春秋。謂褒善貶惡而已。至於經世之大法。則不知也。春秋大義數十。炳如日星。惟其微辭隱義。時措從宜者。爲難知也。或抑或縱。或與或奪。或進或退。或微或顯。而得乎義理之安。文質之中。寬猛之宜。是非之公。乃制事之權衡。揆道之模範也。○詩書載道之文。春秋聖人之用。詩書如藥方。春秋如用藥治病。○張子曰。天官之職。須襟懷洪大。方看得。○古人能知詩者。惟孟子爲其以意逆志也。○尙書難看。蓋難得胸臆如此之大。○春秋之書。在古無有。乃仲尼所自作。惟孟子能知之。非理明義

精殆未可學。先儒未及此而治之。故其說多鑿。○朱子曰。上古之書。莫尊於易。中古後書。莫大於春秋。然此兩書。皆未易看。○易之爲書。文字之祖。義理之宗。○太極爲易理之源。圖書爲數之祖。○易有兩義。一是變易。是流行底。一是交易。是對待底。○伏羲畫八卦。只此數畫。該盡天地萬物之理。○欽之一字。書中開卷第一義也。高宗舊學於甘盤。六經至此。方言學字。○詩之爲經。人事洽於下。天道備於上。而無一理之不具。○學禮先看儀禮。儀禮是全書。其他皆講說也。○儀禮是經。禮記是解。如儀禮有冠禮。禮記便有冠義。儀禮有昏禮。禮記便有昏義。○儀禮載其事。禮記明其理。○禮儀便是儀禮。中士冠禮。諸侯冠禮之類。大節有三百條。威儀如始加。再加三加。又如坐如尸立如齋之類。皆是其中小節。有三千條。○周禮一書。廣大精密。周家之法度在焉。○漢書易本隱以之顯。春秋推見至隱。○天人之道也。○春秋皆亂世之事。聖人一切裁之以天理。○春秋只是直載當時之事。要見當時治亂興亡。非是於一字上定褒貶。○據事直書。而善惡自著。○此以上論六經之畧。

程子曰。書不必多看。要知其約。多看而不知其約。譬如耳。○看書須要見二帝三王之道。如二典卽求堯所以治民。舜所以事君。○謝顯道云。明道先生善言詩。他又渾不會章解句釋。但優游玩味吟哦上下。便使人有得處。瞻彼日月。悠悠我思。道之云遠。曷云能來。思甚切矣。終曰。百爾君子。不忒不求。何用不臧。歸於正也。又云。伯淳常談詩。並不下一字訓詁。有時只轉卻一兩字點撥地念過。便教人省悟。又曰。古人所以貴親炙之也。○張子曰。六經須循環理會。義理儘無窮。待自家長得一格。則又見得別。○朱子曰。讀書之法。在循序而漸進。熟讀而精思。又曰。字求其訓。句索其旨。未得於前。則不敢求於後。未通乎此。則不敢志乎彼。又曰。先須熟讀。使其言皆若出於吾之口。纔以精思。使其意皆若出於吾之心。○端莊正坐。如對聖賢。則心定而義理易究。不可貪多務廣。涉獵鹵莽。○學易於言上會得者。淺於象上會得者。深。○尙書須見得二帝三王之心。而通其所可通。毋強通其所難通。○不先乎大學。無以提綱挈領。而盡論孟之精微。不參之論孟。無以融會貫通。而極中庸之歸。

趣然不會其極於中庸則又何以建立大本。經綸大經而讀天下之書論天下之事哉。○若理會得此四書何書不可讀。何理不可究。何事不可處。○四子六經之階梯。近思錄四子之階梯。○修身大法小學備矣。義理精微。近思錄詳之。○此以上論窮經之法。

禮記釐編卷之三

後學楚安鄉潘相學

坊記第十

疏云。案鄭目錄云。名曰坊記者。以其記六藝之義。所以坊人之失者也。劉向別錄屬通論。程子曰。坊記不知何人所作。觀其引論語曰。則不可以爲孔子之言。漢儒如賈誼董仲舒所言。蓋得此篇之意。或者其所記與。○首節總昌全篇。小人貧斯約以下。坊欲也。君子貴人以下。坊德也。夫禮坊民以下。坊淫也。

子言之。君子之道。辟則坊與。坊民之所不足者也。大爲之坊。民猶踰之。故君子禮以坊德。刑以坊淫。命以坊欲。

辟讀譬。坊與防同。言君子以道防民之失。猶以隄防遏水之流也。性之善爲德。禮以防之而養其源。情之蕩

爲淫刑以防之而遏其流心之私爲欲天命以
防之而俾有有限制蓋蓄其在內障其在外也

子云小人貧斯約富斯驕約斯盜驕斯亂禮者因人之
情而爲之節文以爲民坊者也故聖人之制富貴也使
民富不足以驕貧不至於約貴不慊於上故亂益亡日慊
簞友亡讀無。慊恨不滿之貌居室衣服皆有分限則
富不至於驕田里桑麻皆有制度則貧不至於窮爵秩
祿楮皆隨其賢能以爲差等則貴而不恨少於上。

子云貧而好樂富而好禮衆而以寧者天下其幾矣詩
云民之貪亂寧爲荼毒故制國不過千乘都城不過百
雉家富不過百乘以此坊民諸侯猶有畔者好樂之好
衍文。○百

雉。卿大夫都邑之城也。雉度名也。高一丈長三丈爲一雉。家富謂卿大夫此明上下制度有限防其奢僭畔逆之事也。

子云夫禮者所以章疑別微以爲民坊者也。故貴賤有等。衣服有別。朝廷有位。則民有所讓。疑謂是非不決微謂幽隱不著

子云天無二日。土無二王。家無二主。尊無二上。示民有君臣之別也。春秋不稱楚越之王喪禮。君不稱天。大夫不稱君。恐民之惑也。詩云相彼盍旦。尙猶患之。不稱楚越之王喪者不書其塋也。不稱天。避天子也。大夫稱主。避國君也。詩逸詩盍旦。夜鳴求旦之鳥也。

子云君不與同姓同車。與異姓同車不同服。示民不嫌

也。以此坊民。民猶得同姓以弑其君。不同車。遠害也。弑之禍常起於同姓。故與異姓同車。則不嫌。

子云。君子辭貴不辭賤。辭富不辭貧。則亂益亡。故君子

與其使食浮於人也。寧使人浮於食。食。祿也。浮。在上也。才德薄而受祿厚。

是食浮於人也。

子云。觴酒豆肉。讓而受惡。民猶犯齒。衽席之上。讓而坐

下。民猶犯貴。朝廷之上。讓而就賤。民猶犯君。詩云。民之

無良。相怨一方。受爵不讓。至于已斯亡。方氏云。禮六十以上。遵豆有加。

故酒肉以犯齒言。三命不齒。席於尊東。故衽席以犯貴言。族人不得以其戚戚君。故朝廷以犯君言。

子云。君子貴人而賤已。先人而後已。則民作讓。故稱人之君曰君。自稱其君曰寡君。莫尊於君而已之君猶爲之謙。則在已者無所不讓。

可知。

子云。利祿先死者而後生者。則民不偕。先亡者而後存者。則民可以託。詩云。先君之思。以畜寡人。以此坊民。民猶偕死而號無告。偕音佩。號平聲。畜依詩作勗。○死謂死國事者。亡謂爲國事出亡者。死者君猶不忘。則民勤於孝思而不偕。亡者君猶不絕。則民勉於忠義而可以託。

子云。有國家者。貴人而賤祿。則民興讓。尙技而賤車。則民興藝。故君子約言。小人先言。君子之言常約。小人則先言而後行。不必其言。

行之相顧也。

子云。上酌民言。則下天上施。上不酌民言。則犯也。下不

天上施。則亂也。故君子信讓以洩百姓。則民之報禮重。

詩云。先民有言。詢于芻蕘。人君將施政教。必參酌乎輿論之可否。則政教所加。民尊

戴之。如天所降下者矣。否則民必違之。

子云。善則稱人。過則稱己。則民不爭。善則稱人。過則稱

己。則怨益亡。詩云。爾卜爾筮。履無咎言。履。當依詩作體。

子云。善則稱人。過則稱己。則民讓善。詩云。考卜惟王。度

是錫京。惟龜正之。武王成之。度音鐸。詩作宅。○此兩節所引詩意義皆不甚協。

子云善則稱君過則稱已則民作忠君陳曰爾有嘉謀嘉猷入告爾君于內女乃順之于外曰此謀此猷惟我君之德於乎是惟良顯哉

注云君陳篇名在尚書今亡又云君陳蓋周公之子伯禽

弟也孔疏謂鄭不見古文尚書故曰今亡蘇氏陳少南又以鄭言君陳爲周公之子其說非是

子云善則稱親過則稱已則民作孝大誓曰予克紂非予武惟朕文考無罪紂克予非朕文考有罪惟予小子無良

大音泰

子云君子弛其親之過而敬其美論語曰三年無改於父之道可謂孝矣高宗云三年其惟不言言乃謹

弛猶棄忘

前言卷之三
也。謹與歡同。今周書無逸篇作雍。此條引論語近之。引書義不協。○石梁王氏曰。既有子云。又引論語曰。因知皆後人爲之。

子云。從命不忿。微諫不倦。勞而不怨。可謂孝矣。詩云。孝

子不匱。

忿當作怠。

子云。睦於父母之黨。可謂孝矣。故君子因睦以合族。詩

云。此令兄弟。綽綽有裕。不令兄弟。交相爲瘡。睦厚也。黨謂親也。合

族。謂與族人爲燕食之禮。父之黨。四母之黨。三睦之則父母悅。

子云。於父之執。可以乘其車。不可以衣其衣。君子以廣

孝也。

車所同。衣所獨。故車可乘。衣不可衣。

子云小人皆能養其親。君子不敬。何以辨。

子云父子不同位。以厚敬也。書云。厥辟不辟。忝厥祖。不

位。謂受爵於君。

不敢與父同列。

子云父母在。不稱老。言孝不言慈。閨門之內。戲而不讌。

君子以此坊民。民猶薄於孝而厚於慈。戲。謂爲孺子之容。以娛親。有悲

歎之聲。則傷親心。不可爲也。

子云。長民者。朝廷敬老。則民作孝。

子云。祭祀之有尸也。宗廟之有主也。示民有事也。脩宗

廟。敬祀事。教民追孝也。以此坊民。民猶忘其親。爲尸以象其生。

為主以寓其存。事死如事生。事亡如事存也。

子云敬則用祭器。故君子不以非廢禮。不以美沒禮。故食禮。主人親饋則客祭。主人不親饋則客不祭。故君子苟無禮。雖美不食焉。易曰。東鄰殺牛。不如西鄰之禴祭。實受其福。詩云。既醉以酒。既飽以德。以此示民。民猶爭利而忘義。祭器。邇豆。簋。鉶之屬。用之賓客。敬之至也。菲薄而廢禮。與過文而沒禮。皆不得爲敬。主人親饋是敬客也。客祭其饌是敬主也。

子云。七日戒。三日齋。承一人焉以爲尸。過之者趨走。以教敬也。醴酒在室。醕酒在堂。澄酒在下。示民不淫也。尸

飲三衆賓飲一。示民有上下也。因其酒肉聚其宗族以教民睦也。故堂上觀乎室。堂下觀乎上。詩云。禮儀卒度。笑語卒獲。齊側皆反。醴音體。度如字。○承猶事也。醴齊醴齊澄酒。皆尚質不尚味。貴薄味而賤厚。示民以不貪。潘於味也。尸飲三。主人主婦賓長各一獻也。主人獻賓是衆賓飲一也。尊上者得酒多。卑下者少。是示民以上下之等也。

子云。賓禮每進以讓。喪禮每加以遠。浴於中霤。飯於牖下。小斂於戶內。大斂於阼。殯於客位。祖於庭。塋於墓。所以示遠也。殷人弔於壙。周人弔於家。示民不偯也。子云。死民之卒事也。吾從周。以此坊民。諸侯猶有薨而不塋。

者說見張大記諸篇

子云升自客階受弔於賓位教民追孝也未沒喪不稱

君示民不爭也故魯春秋記晉喪曰殺其君之子奚齊

及其君卓以此坊民子猶有弑其父者

受弔賓位謂反哭時也

子云孝以事君弟以事長示民不貳也故君子有君不

謀仕唯卜之日稱二君

君子人君之子也有君君在也不謀仕嫌欲急於為政也世子

他事皆不得稱君貳唯命龜之時或君有故而巳代之則自稱曰君之貳某左傳卜貳圉正謂君之貳故鄭引

之云二常為貳也

喪父三年喪君三年示民不疑也父母在不

敢有其身不敢私其財示民有上下也故天子四海之

內無客禮莫敢爲主焉故君適其臣升自阼階卽位於堂示民不敢有其室也父母在饋獻不及車馬示民不敢專也以此坊民民猶忘其親而貳其君

子云禮之先幣帛也欲民之先事而後祿也先財而後禮則民利無辭而行情則民爭故君子於有饋者弗能見則不視其饋易曰不耕穫不菑畲凶以此坊民民猶貴祿而賤行

禮謂所執之贊也財幣帛也利貪也饋遺也不能見有疾也不視猶不納也

子云君子不盡利以遺民詩云彼有遺秉此有不斂穧伊寡婦之利故君子仕則不稼田則不漁食時不力珍

大夫不坐羊士不坐犬詩云采芣采芣無以下體德音
莫違及爾同死以此坊民民猶忘義而爭利以亡其身
食時食四時之膳也力猶務也天子諸侯有秩膳古
者殺牲食其肉坐其皮不坐犬羊是無故不殺也

子云夫禮坊民所淫章民之別使民無嫌以爲民紀者
也故男女無媒不交無幣不相見恐男女之無別也詩
云伐柯如之何匪斧不克取妻如之何匪媒不得執麻
如之何橫從其畝取妻如之何必告父母以此坊民民
猶有自獻其身南其畝爲從東其畝爲橫

子云取妻不取同姓以厚別也故買妾不知其姓則卜

之以此坊民。魯春秋猶去夫人之姓曰吳其死曰孟子

卒。厚猶遠也。

子云禮非祭男女不交爵。以此坊民。陽侯猶殺穆侯而

竊其夫人。故大饗廢夫人之禮。

陽侯穆侯其國未聞大饗。享諸侯來朝者也。夫

人之禮使人攝。

子云寡婦之子不有見焉。則弗友也。君子以辟遠也。故

朋友之交。主人不在。不有大故。則不入其門。以此坊民。

民猶以色厚於德。

見賢遍反。辟讀避。有見謂其材藝著見也。大故喪也。

子云好德如好色。諸侯不下漁色。故君子遠色以爲民。

紀故男女授受不親御婦人則進左手姑姊妹女子子
已嫁而反男子不與同席而坐寡婦不夜哭婦人疾問
之不問其疾以此坊民民猶淫泆而亂於族好德句語似不足內
取國中爲下漁色
亂族犯非妃匹也

子云婚禮壻親迎見於舅姑舅姑承子以授壻恐事之
違也以此坊民婦猶有不至者舅姑妻之父母也妻之父母爲外舅母爲外姑恐
事之違卽無違夫子之義不至不親夫以孝舅
姑也坊記終之以男女之坊歸本造端之義也

表記第十一

孔疏云案鄭目錄云名曰表記者以其記君子之德
見于儀表也愚謂坊如止水之坊表如測日之表居

中而為四方所取正坊記示人以所戒表記示人以所法通篇分八支每支皆以子言之發端

子言之歸乎君子隱而顯不矜而莊不厲而威不言而

信此孔子在外思歸之辭隱而顯身隱而道著也不矜而莊不厲而威不言而信即中庸不動而敬不言而

信之意子曰君子不失足於人不失色於人不失口於人

是故君子貌足畏也色足懾也言足信也甫刑曰敬忌

而罔有擇言在躬甫刑曰子曰裼襲之不相因也欲民

之母相瀆也裼襲見曲禮一時或有異事必易服致敬不相因也蓋節文既辨而又不憚其勞則

無相褻子曰祭極敬不繼之以樂朝極辨不繼之以倦

之患祭極敬者而至於獻酬笑語誠意至也苟至於樂則敬弛極辨者節文明也苟至於倦則入於苟簡子曰

禮記章句卷之三 九 及古制

君子慎以辟禍。篤以不揜。恭以遠恥。辟音避。○篤厚也。揜猶困迫也。易困

之象曰困剛揜也。子曰：君子莊敬日強，安肆日偷。君子不以一

日使其躬僂焉如不終日。僂任鑑切。○僂者參錯不齊之貌。子曰：齊戒

以事鬼神，擇日月以見君，恐民之不敬也。子曰：狎侮死

焉而不畏也。馬氏曰：狎侮至於死而不畏者，蔽其所襲也。子曰：無辭不相接

也，無禮不相見也。欲民之母相襲也。易曰：初筮告，再三

瀆瀆則不告。此以上為第一支。言君子之學必主於敬，敬立而後可以為仁。

子言之：仁者天下之表也，義者天下之制也，報者天下

之利也。仁足以長人，故曰天下之表。義主於裁斷，故曰天下之制。報者禮尚往來，彼感此應，何利如之。

子曰以德報德則民有所勸以怨報怨則民有所懲詩

曰無言不讐無德不報大甲曰民非后無能胥以寧后

非民無以辟四方

此釋報者天下之利之意與論語異者彼以常人之報施言此以君之治

民子曰以德報怨則寬身之仁也以怨報德則刑戮之

民也

注云寬猶愛也仁亦當作民聲之誤也此以常人之報施言

子曰無欲而好仁

者無畏而惡不仁者天下一人而已矣是故君子議道

自己而置法以民

此卽下中心安仁者也議道以聖八之所性制法以衆人之可爲論語所

謂躬自厚而薄責於人也

子曰仁有三與仁同功而異情與仁同功

其仁未可知也與仁同過然後其仁可知也仁者安仁

知者利仁畏罪者強仁仁者右也道者左也仁者人也
道者義也厚於仁者薄於義親而不尊厚於義者薄於
仁尊而不親利仁者有所欲而好仁也強仁者有所畏而惡不仁也道非仁不立義非仁不行凡
人之舉動必右先而後左隨之故曰仁右道左道有至義有考至道以王義道
以霸考道以爲無失鄭注謂義上脫一有字石梁王氏曰義道以霸非孔子之言○此以
上爲第二支皆言爲仁之道

子言之仁有數義有長短小大中心懽懽愛人之仁也
率法而強之資仁者也詩云豐水有芑武王豈不仕治
厥孫謀以燕翼子武王烝哉數世之仁也國風曰戎今

不閔皇恤我後終身之仁也

言取也數與長短大小互言之耳性仁義者其數長

大取仁義者其數短小什事也

子曰仁之爲器重其爲道遠舉者莫能

勝也行者莫能致也取數多者仁也夫勉於仁者不亦

難乎是故君子以義度人則難爲人以人望人則賢者

可知已矣

取數多者言計天下之道仁居其多以義度人言以先王成法餽度人非聖人不足以當

之若舉今之人相望則其賢可知也

子曰中心安仁者天下一人而已矣

大雅曰德輶如毛民鮮克舉之我儀圖之惟仲山甫舉

之愛莫助之小雅曰高山仰止景行行止子曰詩之好

仁如此鄉道而行中道而廢忘身之老也不知年數之

不足也。倪焉曰有孳孳。斃而后已。鄉許亮反。倪音免。○儀匹也。圖謀也。倪無

他顧之意。應氏曰。前章言仁重且遠。而人不可以全責。此又總叙而勸勉之。子曰。仁之難成

久矣。人人矢其所好。故仁者之過易辭也。言仁道不成。人所以不得

其志。仁者雖有過。差其情則善。不待辭說而明。子曰。恭近禮。儉近仁。信近情。敬

讓以行此。雖有過。其不甚矣。夫恭寡過。情可信。儉易容

也。以此失之者。不亦鮮乎。詩曰。溫溫恭人。維德之基。信約

信也。信近情。與論語信近於義畧同。可信。即言可復意。子曰。仁之難成久矣。唯君

子能之。是故君子不以其所能者病人。不以人之所不

能者愧人。是故聖人之制行也。不制以已。使民有所勸

勉愧恥以行其言。禮以節之。信以結之。容貌以文之。衣

服以移之。朋友以極之。欲民之有壹也。小雅曰。不愧于

人不畏于天。不制以已。不以已之所能。必他人也。極之者。切磋相成。至於極而後已。五者輔道而

夾持之。欲其趨向之專壹也。是故君子服其服則文。以君子之容。有

其容則文。以君子之辭。遂其辭則實。以君子之德。是故

君子恥服其服而無其容。恥有其容而無其辭。恥有其

辭而無其德。恥有其德而無其行。是故君子衰經則有

哀色。端冕則有敬色。甲冑則有不可辱之色。詩云。維鵜

在梁。不濡其翼。彼其之子。不稱其服。此以上為第三支。皆以仁言。見安仁

之甚難。自治則由利。亦可進于安。教人則由強。亦可進于利。

子言之。君子之所謂義者。貨賤皆有事於天下。天子親耕粢盛秬鬯以事上帝。故諸侯勤以輔事於天子。子曰。下之事上也。雖有庇民之大德。不敢有君民之心。仁之厚也。是故君子恭儉以求役仁。信讓以求役禮。不自尙其事。不自尊其身。儉於位而寡於欲。讓於賢。卑已而尊人。小心而畏義。求以事君。得之自是。不得自是。以聽天命。詩云。莫莫葛藟。施于條枚。凱弟君子。求福不回。其舜禹文王周公之謂與。有君民之大德。有事君之小心。詩

云惟此文王小心翼翼昭事上帝聿懷多福厥德不回

以受方國

自是以聽天命卽行法以俟命也

子曰先王諡以尊名節以

壹惠恥名之浮於行也是故君子不自大其事不自尙

其功以求處情過行弗率以求處厚彰人之善而美人

之功以求下賢是故君子雖自卑而民敬尊之

尊名者易名則

名尊也惠善也節取其大善以爲諡則善專壹處情者不欲虛爲矯飾也過高之行弗肯率由惟求處篤厚之行是不欲名子曰后稷天下之爲烈也豈一手一足哉

惟欲行之浮於名也故自謂便人

此復言后稷以證君子恥名浮於行之意

豈一手一足言用之者多也自謂便於稼穡之人不自謂已之仁聖也○此以上爲第四支言以下事上之義

義以成
仁也。

子言之。君子之所謂仁者其難乎。詩云。凱弟君子。民之
父母。凱以強教之。弟以說安之。樂而毋荒。有禮而親。威
莊而安。孝慈而敬。使民有父之尊。有母之親。如此而后
可以爲民父母矣。非至德其孰能如此乎。強教之者以
道驅之也。說
安之者得其
心之謂也。今父之親子也。親賢而下無能。母之親子
也。賢則親之。無能則憐之。母親而不尊。父尊而不親。水
之於民也。親而不尊。火尊而不親。土之於民也。親而不
尊。天尊而不親。命之於民也。親而不尊。鬼尊而不親。下無

能賤其無能之子也。命謂君之教令。故下文言夏道尊命。子曰夏道尊命。事鬼敬神。

而遠之。近人而忠焉。先祿而後威。先賞而後罰。親而不

尊。其民之敝。意而愚。喬而野。朴而不文。殷人尊神。率民

以事神。先鬼而後禮。先罰而後賞。尊而不親。其民之敝

蕩而不靜。勝而無恥。周人尊禮尚施。事鬼敬神而遠之。

近人而忠焉。其賞罰用爵列。親而不尊。其民之敝。利而

巧。文而不慙。賊而蔽。奇高大也。妄自高大而無文野者。往往如此。勝尚勝也。文而不慙不

慙其虛偽也。賊而蔽者。害於已而不知也。子曰夏道未瀆辭。不求備不大望

於民。民未厭其親。殷人未瀆禮而求備於民。周人強民

未瀆神而賞爵刑罰窮矣

強上聲○未瀆辭者以其尊命也政簡則不備責于人賦

輕則不過望于民未瀆禮未瀆神皆承上後禮敬神為言強民言承殷難變之敝也窮者言賞爵刑罰之備也

子曰虞夏之道寡怨於民殷周之道不勝其敝

黃氏曰此上三

章疑非孔子之言孔子惜二代之無徵明周制之宜從不宜數其敝壞至此且亦與聖人為下不倍之義相反

子曰虞夏之質殷周之文至矣虞夏之文不勝其質殷

周之質不勝其文子言之曰後世雖有作者虞帝弗可

及也已矣君天下生無私死不厚其子子民如父母有

憚怛之愛有忠利之教親而尊安而敬威而愛富而有

禮惠而能散其君子尊仁畏義恥費輕寶忠而不犯義

而順文而靜寬而有辨。甫刑曰：德威惟威，德明惟明。非

虞帝其孰能如此乎？

言之二字疑衍，實謂財貨也。此以上爲第五支，明君子治民之仁。

子言之：事君先資其言，拜自獻其身，以成其信。是故君

有責於其臣，臣有死於其言。故其受祿不誣，其受罪益

寡。

資，憑藉也。事君者其經世之學皆豫定於胸中，故先形於言，以爲資藉，而後自獻其身，以成其信。伊尹獻

畝之言，傳說對揚之篇，管仲之對齊桓，樂毅之答燕昭

言於先而信於後，無不酬也。後世若韓信登壇之策，孔

明隆中之對，

亦庶幾焉。子曰：事君大言入則望大利，小言入則望

小利。故君子不以小言受大祿，不以大言受小祿。易曰：

不家食吉。

利及天下，大利也。利在一事，小利也。不以小言受大祿，恥過分也。不以大言受小祿，達可

行於天下而後行之者也。如此方可。子曰：事君不下達，

不尙辭，非其人弗自。小雅曰：靖共爾位，正直是與。神之

聽之。式穀以女。

謂其君不能者，下達也。以利口聞捷者，尙辭也。始進必以正，則非其人弗由矣。

子曰：事君遠而諫，則謂也；近而不諫，則尸利也。子曰：邇

臣守和，宰正百官，大臣慮四方。

謂者爲遠臣而犯分以求自達之謂。王氏以此

句爲非孔子之言，是也。尸利，主於利而懷祿固寵也。子

守和，適中而無過不及也。宰，冢宰。大臣，則公卿皆是。

曰：事君欲諫不欲陳，詩云：心乎愛矣，遐不謂矣。中心藏

之，何日忘之。

陳者，揚君之失，瑕之言，胡也。謂猶告也。

子曰：事君難進而易

退，則位有序；易進而難退，則亂也。故君子三揖而進，一

辭而退以遠亂也。

小德小賢役大德大賢則位有序賢不肖倒置則亂矣。

子曰事

君三違而不出竟則利祿也。人雖曰不要吾弗信也。

出不

竟。是無去志也。非要利乎。

子曰事君慎始而敬終。子曰事君可貴可

賤可富可貧可生可殺而不可使爲亂。

在人者有命在已者有義。子曰

曰事君軍旅不辟難朝廷不辭賤處其位而不履其事

則亂也。故君使其臣得志則慎慮而從之。否則孰慮而

從之。終事而退臣之厚也。易曰不事王侯高尙其事。

臣受

君命有所合不敢自滿不合亦必熟計其事如猶可從則亦從之卒事而後去忠厚之道也必不可從則否。

子曰唯天子受命於天士受命於君故君命順則臣有

順命。君命逆，則臣有逆命。詩曰：鵲之姜姜，鶉之賁賁。人之無良，我以為君。順天命，則臣不令而行。逆則雖令不從矣。此以上為第六支。言君子以

臣事君之義。

子曰：君子不以辭盡人。故天下有道，則行有枝葉，天下無道，則辭有枝葉。行有枝葉者，本深而末茂也。言之枝葉，則蕪辭蔓說而已。是故君

子於有喪者之側，不能賻焉，則不問其所費；於有病者之側，不能饋焉，則不問其所欲；有客不能館，則不問其所舍。故君子之接如水，小人之接如醴。君子淡以成，小人甘以壞。小雅曰：盜言孔甘，亂是用餞。皇氏曰：每一支發端皆作子言。

之。此云子曰。子曰。君子不以口譽人。則民作忠。故君子傳寫之訛也。

問人之寒則衣之。問人之飢則食之。稱人之善則爵之。

國風曰。心之憂矣。於我歸說。說音稅子曰。口惠而實不至。

怨菑及其身。是故君子與其有諾責也。寧有已怨。國風

曰。言笑晏晏。信誓旦旦。不思其反。反是不思。亦已焉哉。

已。不許也。諾而不與。子曰。君子不以色親人。情疏而貌其怨大於不許也。

親在小人則穿窬之盜也。與子曰。情欲信。辭欲巧。巧當

此以上爲第七支言君子交際之言色皆務於誠實。

子言之。昔三代明王。皆事天地之神明。無非卜筮之用。

不敢以其私褻事上帝。是故不犯日月。不違卜筮。卜筮不相襲也。大事有時日。小事無時日。有筮外事用剛日。內事用柔日。不違龜筮。子曰。牲牷禮樂齊盛。是以無害乎鬼神。無怨乎百姓。大事祭大神。小事祭小神。外事祭外神。凡巡狩朝聘盟會征伐亦是內事。祭宗廟凡冠昏亦是。甲丙戊庚壬爲剛。乙丁己辛癸爲柔。子曰。后稷之祀易富也。其辭恭。其欲儉。其祿及子孫。詩曰。后稷兆祀。庶無罪悔。以迄于今。富備也。以傳世之祿。恭儉之祭易備也。兆。依詩作肇。疏云。前言不違卜筮。以合神明。此言后稷祭祀福流復世以証其義。子曰。大人之器威敬。天子無筮。諸侯有筮。天子道以筮。諸侯非其國不以筮。卜宅寢室。天子

不卜處太廟。

道以筮。在途則筮也。守筮。謂在國居。子曰。守。有事則筮也。宅諸侯出行之居也。

君子敬則用祭器。是以不廢日月。不違龜筮。以敬事其

君長。是以上不瀆於民。下不褻於上。

按卜筮之說。禮家互相低悟。如大事

有時日。大享不問卜。故郊用辛。而周官太宰祀五帝祀大神示卜。曰。太卜太祭祀。祇高命龜。春秋魯禮亦有卜。

郊之文。一不合也。如卜筮不相襲。大事卜。小事筮。而洪範龜筮并用。周禮蓍人凡國之大事。先筮後卜。太卜又

凡事。泄卜。若春秋傳卜筮并用者。更多。二不合也。又如外事用剛日。內事用柔日。若郊特牲。社用甲。召誥戊午。

社。洛誥戊辰。烝祭歲。吉日惟戊。吉日庚午。外事信用剛日矣。而郊天固外事之大者也。召誥丁巳。用牲于郊。郊

特性郊用辛日。其不合者三也。如闕以俟知者。又案此以上為第八支。以卜筮言。亦言敬也。以敬始。以敬終。

能敬。則所謂為仁為義為實者。一以貫之。而無所往而不宜矣。

禮記卷之三 禮記卷之三 禮記卷之三

儒行第十二

注云儒之言優也和也言能安人能服人也儒行一篇蓋孔子自衛反魯之時也孔疏云案鄭目錄云名曰儒行者以記有道德者所行也

魯哀公問於孔子曰夫子之眾其儒服與孔子對曰丘少居魯衣逢掖之衣長居宋冠章甫之冠丘聞之也君子之學也博其服也鄉丘不知儒服與平聲上衣去聲上冠去聲逢大也肘腋之所寬大也章甫者所以表明丈夫也居魯居宋是其鄉也哀公曰敢問儒行孔子對曰遽數之不能終其物悉數之乃留更僕未可終也哀公命席孔子侍曰儒有席上之珍以待聘夙夜強

學以待問。懷忠信以待舉。力行以待取。其自立有如此

者。行去登。此言儒者修己立身之事物事也。僕太僕

君無朝則正位掌摺相更之者久倦則使之相代命

席爲孔子布席於堂與之上也君適其臣升自阼階所

在如主時孔子自衛新還入公館之就而問之席上之

珍美其德之可貴也勉強學問以明其理則學優主忠

信力行不已則表裏無愧全是四者可以待天下之用

矣。儒有衣冠中動作慎其大讓如慢小讓如僞大則如

威小則如愧其難進而易退也。粥粥若無能也其容貌

有如此者。中去聲粥音燭。大讓如讓國讓天下小讓

而實則不可犯。小讓所以致曲。故外若僞而實如有所

慚。三揖而後進。故難一辭而遂退。故易。粥粥者柔弱之

狀。儒有居處齊難其坐起恭敬言必先信行必中正道

塗不爭險易之利。冬夏不爭陰陽之和。愛其死以有待

也。養其身以有爲也。其備豫有如此者。

齊則皆反。難平聲。難猶其難。

之難。齊難。齊莊不慢易也。居處四語敬也。道塗二語恕也。淑慎其身而不輕爭競。則忿慾欲窒。身立德克。可以待時而動。有爲於天下。儒有不寶金玉而忠信以爲寶矣。非備豫之至者乎。

不祈土地立義以爲土地。不祈多積多文以爲富。難得

而易祿也。易祿而難畜也。非時不見。不亦難得乎。非義

不合。不亦難畜乎。先勞而後祿。不亦易祿乎。其近人有

如此者。

見去聲。忠信立義多文。良貴也。在我者重。故難得難畜。然時而行義而合勞而食。未始遠於

人而自

異也。儒有委之以貨財。淹之以樂好。見利不虧其義。

劫之以衆沮之以兵見死不更其守驚蟲攫搏不程勇

者引重鼎不程其力往者不悔來者不豫過言不再流

言不極不斷其威不習其謀其特立有如此者

樂五教切好去

聲斷音短。

利卽貨財及可樂好者勇足以不懼如鷙

猛之蟲當攫搏之不程量其勇而後往材足以任事如

引重鼎不程量其力而後任不悔無悔也不豫不逆億

也極窮也聞流言不輕信而必欲窮之斷猶挫折也不

習其謀者謀必可成不

待嘗試而後見於用。

儒有可親而不可劫也可近而

不可迫也可殺而不可辱也其居處不淫其飲食不瀦

其過失可微辨而不可面數也其剛毅有如此者

數上聲。

剛毅則不屈於物欲不淫不濇克己之功至矣故辨之

于微未嘗無失要無顯著之過使人可以面數者舊說

未免。儒有忠信以爲甲冑，禮義以爲干櫓，戴仁而行，抱
錯會。儒有忠信以爲甲冑，禮義以爲干櫓，戴仁而行，抱
義而處，雖有暴政，不更其所。其自立有如此者，所不更其
其操也。首章自立以家，修言此以接物處變言。儒有一畝之宮，環堵之室，簞門
圭窬，蓬戶甕牖，易衣而出，并日而食，上答之不敢以疑。
上不答，不敢以諂。其仕有如此者，甕，讀作豆。徑一步，長百步，爲一畝，折而
方之，則東西南北各十步，爲宅，牆方六丈，故云一畝之
宮。環，周廻也。方丈，爲堵。東西南北各一堵，簞門以荆竹
織門也。圭，窬，穿牆爲之門，旁小戶也。上，銳下方，狀如圭。
蓬戶，編蓬爲戶也。甕牖者，牖，圓如甕口也。一云以敗
甕口爲牖，易衣而出者，合家共一衣，出則更著之也。并
日而食者，或三日二日并得一日之食也。道合則就，不
合則去，故信之而不疑。安之而不諂。儒有今人與居，古人與稽。今世行之

後世以爲楷適弗逢世上弗援下弗推讓諂之民有比
黨而危之者身可危也而志不可奪也雖危起居竟信
其志猶將不忘百姓之病也其憂思有如此者信音申
居謂因事中傷之也。儒有博學而不窮篤行而不倦幽居而不淫

上通而不困禮之以和爲貴忠信之美優游之法慕賢

而容衆毀方而瓦合其寬裕有如此者禮之體嚴而用

之質也優游用之和也陶瓦之事其初則圓剖而爲四

其形則方毀其圓以爲方合其方而復圓蓋於涵容之

中未嘗無分辨之意也。儒有內稱不辟親外舉不辟怨程功積事

推賢而進達之不望其報君得其志苟利國家不求富

貴其舉賢援能有如此者

君得其志。謂此賢者。使君得遂其志也。

儒有聞

善以相告也。見善以相示也。爵位相先也。患難相死也。

久相待也。遠相致也。其任舉有如此者。

舉賢援能。所以待天下之士也。此則

任舉朋友之義。

儒有澡身而浴德。陳言而伏。靜而正之。上弗知

也。纍而翹之。又不急爲也。不臨深而爲高。不加少而爲

多。世治不輕。世亂不沮。同弗與。異弗非也。其特立獨行

有如此者。

陳言而伏者。與人告嘉謀而順之於外。同意

之也。君不之知。然後明告之。然儒有上不臣天子。下不

亦緩而不失節。故曰不急爲也。事諸侯。慎靜而尙寬。強毅以與人。博學以知服。近文章。

砥厲廉隅。雖分國如錙銖。不臣不仕。其規爲有如此者。
知服。知力行之要也。近文章。不使文
換其質也。如錙銖。君視國之輕也。 儒有合志同方。營

道同術。並立則樂。相下不厭。久不相見。聞流言不信。句

其行本方立義同而進不同而退。其交友有如此者。本

立義所本者必方正。 溫良者。仁之本也。敬慎者。仁之地

也。寬裕者。仁之作也。孫接者。仁之能也。禮節者。仁之貌

也。言談者。仁之文也。歌樂者。仁之和也。分散者。仁之施

也。儒者兼此而有之。猶且不敢言仁也。其尊讓有如此

者。儒者。今文作儒。皆○仁之本。本於仁也。地猶踐。儒有
履也。作充廣也。能。能事也。八者。皆仁之發見也。 儒有

不隕穫於貧賤。不充詘於富貴。不恩君王。不累長上。不
聞有司。故曰儒。今衆人之命儒也。妄常以儒相詬病。孔
子至舍。哀公館之。聞此言也。言加信。行加義。終沒吾世。
不敢以儒爲戲。隕者如有所墜失。獲者如有所刈割。充者
驕氣之盈。詘者吝氣之歎。恩猶辱也。
累繫。聞病也。既至舍。又館之者。具食以致其養。具官以
治其事也。○李氏曰。儒行非孔子之言也。蓋戰國時豪
士所以高世之節耳。或曰。哀公輕儒。孔子有爲而
言。故多自夸大以動其君。此豈所謂孔子者哉。